



Convocatoria de seis bolsas para a formación práctica en asuntos europeos na Fundación Galicia Europa (oficinas de Bruxelas e Santiago de Compostela)

A Fundación Galicia Europa (FGE) ven de publicar (DOG nº 248, de 31 de decembro) a convocatoria de seis bolsas para a formación práctica en asuntos europeos nas súas oficinas de Bruxelas e Santiago de Compostela para 2019.

Modalidades das bolsas

a) Tres bolsas destinadas a persoas cun título universitario para a súa formación en asuntos comunitarios dende unha perspectiva galega.

Unha delas desenvolveranse na oficina da Fundación Galicia Europa en Santiago de Compostela e dúas na oficina de Bruxelas.

b) Dúas bolsas destinadas a persoas cun título universitario para á súa formación en comunicación das políticas comunitarias e da participación galega en asuntos europeos.

Unha delas desenvolveranse na oficina da FGE en Santiago de Compostela e a outra na oficina de Bruxelas.

c) Unha bolsa destinada a persoas cun título de técnico superior de formación profesional para a realización de prácticas de secretariado e apoio administrativo con destino na oficina de Bruxelas.

Presentación de solicitudes e prazo

As solicitudes deberán presentarse de maneira obrigatoria mediante vía electrónica a través do formulario normalizado dispoñible na sede electrónica da Xunta de Galicia <https://sede.xunta.gal> (procedemento PR770N). Para a presentación poderá empregarse calquera dos mecanismos de identificación e sinatura admitidos pola sede electrónica da Xunta de Galicia, incluído o sistema de usuario e clave Chave365.

O prazo de presentación de solicitudes finaliza o **31 de xaneiro de 2019**.

Requisitos e documentación:

Para poder solicitar as bolsas é preciso ter a nacionalidade española ou ser nacional dun Estado membro da UE; ser natural de Galicia, ser fillo/filla de galegos ou acreditar, mediante empadramento, residencia en Galicia polo menos desde os dous anos anteriores á publicación da convocatoria.

Para as **bolsas de formación en asuntos comunitarios desde unha perspectiva galega** é necesario posuír un título universitario de grao, licenciado/a, enxeñeiro/a ou equivalente.

Para as **bolsas de formación en comunicación das políticas comunitarias**, das actividades da FGE e da participación galega en asuntos europeos, é necesario posuír un grao ou licenciatura en Xornalismo, Comunicación Audiovisual ou Publicidade e Relacións Públicas.

Para as **bolsas para a realización de prácticas de secretariado e apoio administrativo** é necesario posuír un título de técnico superior de formación profesional na familia profesional de Administración e Xestión (Administración e Finanzas, Asistencia a Dirección ou Secretariado).

Non poderá haberse gozado anteriormente doutra bolsa da FGE en convocatorias anteriores, excepto que na convocatoria do ano inmediatamente anterior fose chamado da lista de suplentes e gozase da bolsa por un período de tempo non superior a 3 meses.

Xunto coa solicitude deberá presentarse a seguinte documentación:

- a) Copia do pasaporte no caso de nacionais da Unión Europea residentes fóra de España e que non posúan NIE.
- b) Copia do libro de familia ou documento equivalente para aqueles solicitantes que pretendan acreditar a filiación de proxenitores galegos.
- c) Xustificación do pagamento dos dereitos de expedición da titulación correspondente (no caso de non estar en posesión do título universitario ou de formación profesional).
- d) Copia da homologación ou validación do título pola Administración educativa española no caso de presentar un título académico estranxeiro.
- e) Currículo: preferentemente en formato Europass.
- f) Anexo III xunto coa copia dos documentos acreditativos dos méritos alegados relacionados no dito anexo.

Podé encontrar toda esta información na nosa web: <https://bit.ly/2rMN98L>

Quedamos a súa disposición en caso de que teña calquera dúbida:

Rúa do Hórreo 61. 15701. Santiago de Compostela

Tel: +34 981 541012

Enderezo electrónico: santiago@fundaciongaliciaeuropa.eu